

## Phethahatso ya taelo ya leano e mabapi le Taolo ya Lenaneo la Tlhahiso le Ntshetsopele ya Dikarolwana tsa Makoloi ka mora 2020

**Tshwane, 14 Phuptjane 2021** – Letona la Kgwebisano, Indasteri le Tlhodisano le ntshitse taelo ya leano ho latela dintlha tsa karolo ya 5 ya Molao wa Kgwebisano ya Matjhaba, wa 2002, moo le kopang hore Khomeshene ya Matjhaba ya Taolo ya Kgwebisano e thuse ka ho phethahatswa ha Lenaneo la Tlhahiso le Ntshetsopele ya Dikarolwana tsa Makoloi ka mora 2020 (APDP ya Mokgahlelo wa II) hore le nke sebaka sa la jwale la APDP.

Leano la jwale la APDP le ne le lebelletswe ho qala ka la 1 Pherekong 2013 ho fihlela ka la 31 Tshitwe 2020. Le ha ho le jwalo, Letona la Kgwebisano, Indasteri le Tlhodisano le atolositse lenaneo la jwale ho fihlela ka la 30 Phuptjane 2021 ka lebaka la ditlamorao tse mpe tseo sewa sa COVID-19 se bileng le sona hodima tlhahiso ya dikarolwana tsa makoloi, dithekiso, dithomello kahare ho naha mmoho le dithomello kante ho naha.

Lenaneo lena la ADP ke le itshetlehileng hodima leano la tefiso ya dikgafa tsa bolaodi ba meedi tse kentseng ka hare dinyehlisetso le dipusetso tsa dikgafa tsa bolaodi ba meedi tse amehang.

Ditokiso tse mabapi le APDP ya Mokgahlelo wa II di tla phatlalatswa Koranteng ya Mmuso ka la 25 Phuptjane 2021. Ditokiso tsena tse akanngwang di tla phethahatswa **ho tloha ka la 1 Phupu 2021**. Le ha ho le jwalo, tokiso ena e tla hlahella websaeteng ya SARS ho tloha ka la 14 Phuptjane 2021 kgokanyong ena e latelang. <https://www.sars.gov.za/legal-counsel/secondary-legislation/tariff-amendments/tariff-amendments-2021/>